



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 17. Honorii Papæ Obitus.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

mile occurrit. Observatio Diei Domini-Sæculum VII
 nicæ præcipitur sub pœna, servis in cor- A.C. 638.
 pore sustinenda. Liberi, si ter admoni- tit. 38.
 ti non emendaverint errorem, servi esse Baja tit. eod.
 cogantur. Prohibentur matrimonia in- c. 4.
 ter propinquos usque ad gradum pa- c. 1.
 truelium, & pœna dicitur, ut reorum
 Bona Fisco addicantur, si habeant; illi
 vero, qui non habent, libertate priven-
 tur. Ex iisdem legibus videre est, quæ- tit. 1. c. 13.
 nam onera Servis Ecclesiæ incubuerint. Allem. tit. 22
 Partem fructuum reddere tenebantur,
 plerumque Decimam, laboremque par-
 tiebantur, ita ut tribus hebdomadæ die-
 bus fervirent Ecclesiæ, & tribus rem
 suam domesticam curarent. Præter
 Servos Ecclesiæ erant subditi liberi, qui
 Coloni dicebantur. Hi vel tributum
 pendebant, vel operam collocabant,
 quando id iis imperabatur.

§. XVII.

Honorii Papæ obitus.

Honorius Papa eodem anno, quo Rex
 Dagobertus, nempe 638. e vita ex-
 cessit, cum Sacram Sedem tenuisset an-
 nis duodecim, & ferme quinque men-
 sibus. Tribus Ordinationibus mense
 Decembri Presbyteros triginta & unum,
 Diaconos duodecim, & Episcopos in di-
 versa loca octoginta & unum consecra-
 vit. Vasa Sacra S. Petri renovavit, il-
 lamque

Anast.

Sæculum VII lamque Ecclesiam & multas alias repa-
 A.C. 638. ravit, alias e fundamento eduxit. Ar-
 gentum, quod his Ecclesiis donavit, &
 cujus pondus adnotatur, plusquam tri-
 bus millibus librarum Romanarum æqui-
 valet.

Sup. Lib.
XXXIII.
 S. 54.

ap. Bar. an.
 638. n. 6. 7.
Honor. epist.
 2. to. 5. conc.
 p. 1681.

Honorii Papæ cura effectum, ut A-
 quileja, & tota Istria Ecclesiæ reconci-
 liaretur, trium Capitulorum Schismate
 ab annis septuaginta, si Pelagii Papæ tem-
 pora repetantur, separata. Pace inita
 scripsit Honorius Epistolam ad omnes
 Episcopos Venetorum, & Istriæ datam,
 qua consentiebat, ut Primigenius Sub-
 diaconus & Patrimonii Ecclesiæ Roma-
 næ Rector Episcopus Gradensis ordina-
 retur, quia Sedes vacabat defectione
 Fortunati Schismatici, & turpis transfu-
 gæ, qui ad Paganos, id est verisimiliter
 Sclavos, transierat. Honorius sepultus
 est ad S. Petrum duodecimo Octobris
 638. & Sacra Sedes ultra menses octode-
 cim vacavit.

Paul. lib. IV.
 p. 45.

Eodem anno 638. decessit Arioval-
 dus Rex Longobardorum, postquam re-
 gnasset annis duodecim. Successit Ro-
 tharis, vir fortis & justitiæ amans,
 sed Arianus; & inde est, quod omnes fer-
 me Civitates in ejus Ditione duos E-
 piscopos haberent, unum Catholicum
 & alterum Hæreticum. Ticini, Civita-
 te Metropolitana, Episcopus Arianus, no-
 mine

mine Anastasius, in Ecclesia S. Eusebii Sæculum VII
A.C. 638.
habitans, & Baptisterium habens, ad Fi-
dem se convertit, atque exinde Catho-
licis præfuit. Ceterum Rex Rotharis
Longobardorum Leges in Tabulas refer-
ri iussit, postquam effluxissent anni se-
ptuaginta septem, ex quo Gens ista in
Italiam advenerat.

§. XVII.

Ecclesia Anglicana.

Honorius Papa in Angliam miserat S.
Birinum, in interiora vastissimæ In-
sulæ, ubi nemo hucusque Evangelium
prædicasset, penetraturum. Hoc consi-
lio Episcopus ordinatus ab Asterio Epis-
copo Genuensi, cum pervenisset in Bri-
tanniam ad Gevissenses seu Saxones Oc-
cidentales, & omnes in Gentilis cœcita-
tis tenebris versantes invenisset, super-
vacuum fore credidit, alibi terrarum
Gentiles quærere. Igitur illius Natio-
nis Regem, nomine Cinegisilum, con-
vertit, & Mysteria Fidei satis edoctum
cum populo suo baptizavit. Adfuit huic
Cæremoniæ Rex Nordhumbriæ Osual-
dus, Regemque e Sacro fonte levavit,
cujus deinde filiam Matrimonio sibi jun-
xit. S. Birinus consentiente utroque
Rege, fixa in Civitate Dorcincana, ho-
die Dorcestria, Sede Episcopali, multis-
que ibidem ædificatis & consecratis Ec-
clesiis,

*Beda III.
hist. c. 5.*